



Terje Follestad
Kyrkjесande 55
6089 SANDSHAMN

Saksbehandlar, innvalstelefon
Andreas Sandnes Granli, 71 25 84 27

Løyve til felling av grågås på Sandsøya i Storevik dyrelivsfredingsområde

Terje Follestad får løyve til å gjennomføre skadereduserande tiltak som skremming og felling av skadegjerande grågås på aktivt driven innmark på Sandsøya. Løyvet gjeld for inntil 10 grågås per år i perioden 12.3 – 15.6 frå og med 2022 til og med 2026.

Det vert gjeve løyve til kvotefri felling av grågås innafor dyrelivsfredingsområdet frå 26. juli til 23. desember. Løyvet gjeld for fem år.

Denne dispensasjonen gjeld i høve til vernereglane. De må i tillegg søkje til kommunen om løyve til felling av skadegjerande grågås i medhald av viltlova.

Britt Harøy og Terje Follestad søker om dispensasjon frå vernereglane for Storevik naturreservat med tilgrensande dyrelivsfredingsområde, for ulike skremmetiltak, skadefelling og ordinær jakt på grågås. Søkarane har søkt i ein felles søknad, søknadane vert handsama kvar for seg som frittstående søknadar og søkarane får eit vedtak kvar.

Målet er å redusere årvisse beiteskadar og avlingstap på grunn av grågås. Det er lang forhistorie med utfordringar knytt til grågås på Sandsøya. Fuglane kjem i flokkar og har eit aktivt næringssøk i ei tid på året der graslet spirar og det er dårleg vekst. Resultatet er at gåsa beiter ned store areal og graslet vert øydelagt.

Det er søkt om løyve til felling av minst 20 gjæser i kvart av områda Voksa og Sandsøy i perioden fram til ordinær jakttid, og fri jakt på grågås i ordinær jakttid, eventuelt frå 26. juli.

Rettsleg grunnlag

Søknaden er handsama etter Forskrift av 27. mai 1988 nr. 380 om vern av Storevik naturreservat med tilgrensande dyrelivsfredning, Sande kommune, Møre og Romsdal og Lov om forvaltning av naturens mangfold (NML) § 48. Alle offentlege vedtak som vedkjem naturmangfald skal også vurderast etter NML §§ 8-12.



Formålet med vernet

Storevik naturreservat med tilgrensande dyrelivsfreding vart verna ved kongeleg resolusjon den 27. mai 1988. Formålet med fredinga er å ta vare på eit viktig våtmarksområde med tilhøyrande plantesamfunn, fugleliv og anna dyreliv.

For området med dyrelivsfreding er alle fugle- og pattedyrartar, også fuglereir, egg og ungar freda mot jakt og fangst, skade og øydelegging av alle slag. Fredingsføresegnene er ikkje til hinder for jakt på villmink, jf. V nr. 8. Forvaltningsstyremakta kan etter kap. VI, gje løyve til felling av vilt som gjer vesentleg skade, i samsvar med reglar og forskrifter i viltlova.

Vurdering

Storevik dyrelivsfredingsområde omfattar sjøområde og heile øya Voksa, Marøya, Flatøyna og Hestholmen, samt sjønære areal sør på Sandsøya og Sande kommune i tillegg til areal på Åram i Vanylven kommune. Det er variert dyre- og fugleliv, med eit mangfald av hekkande fugl, og rastande gjæser, ender, alke- og vadefugl. Både på Voksa og på Sandsøya opptre årkerrikse, som er vurdert som kritisk trua (CR) på Norsk rødliste for artar, jamfør registreringar i Artskart og Naturbase. Dei omsøkte tiltaka omfattar areal i område med dyrelivsfreding på Sandsøya. Det er ikkje aktuelt med tiltak i reservatet.

Det er store problem med skadebeiting av grågås på Sandsøya, som er omfatta av reglane for dyrelivsfreding rundt Storevik naturreservat. Statsforvaltaren har i den samanheng tidlegare gjeve dispensasjon frå verneregiane, for å redusere skadeomfanget.

Ikkje hekkande fuglar beiter gjerne i store flokkar og kan gjere stor skade på dyrkamark på våren før fjørskiftet og frå siste del av juli da dei kjem attende frå myteområda. Grågåsa går helst på ungt og spirande gras. I tillegg er det eit problem at graset blir trakka ned og forureina med ekskrement slik at det ikkje er eigna til dyrefor. Forbodet mot jakt avgrensar grunneigarane sitt høve til å skremme grågåsa vekk frå innmarka. Ulike skremmetiltak kombinert med felling av nokre fuglar vil ofte kunne gje ein god reduksjon i beiteskadane.

Det har vore vekst i grågåsbestanda dei seinare åra. Skremming og felling av nokre skadegjerande individ har ikkje avgjerande verknad på utviklinga i bestanden. Det er heller ikkje eit mål at felling i dette området skal regulere bestanden, men er tenkt å fungere som skremming. Ut frå det kunnskapsgrunnlaget vi har, finn statsforvaltaren det forsvarleg å kunne gje dispensasjon for skremming og felling av skadegjerande grågås i Storevik dyrelivsfredingsområde, jf. NML § 8.

Det er i utgangspunktet ikkje ideelt å skyte grågås innafør eit dyrelivsfredingsområde i hekketida, da det kan forstyrre eller skremme andre hekkande artar i området. Ut frå føre-var-prinsippet, jf. § 9 i NML, vil vi ikkje dispensasjon for bruk av skytevåpen anna enn på aktivt driven dyrkamark. Grågås skal heller ikkje fellast om det er andre fugleartar i flokkane.

Det er mykje menneskeleg aktivitet og infrastruktur på den busette delen av øya. Dispensasjon for uttak av skadegjerande grågås vil ikkje utløyse ei totalbelastning som kunne bli skadeleg eller uheldig for grågåsbestanden eller fuglelivet elles, jf. § 12. Det må takast omsyn til eventuell førekomst av årkerrikse, og fellingsforsøk på dei aktuelle areala kan ikkje setjast i verk eller må avsluttast om det er årkerrikse på areala, då slik forstyring er i strid med forvaltningsmålet for artar i NML § 5.

Statsforvaltaren finn at det kan gjevast dispensasjon etter NML § 48 for ordinær jakt på grågås knytt til aktivt drivne innmarksareal frå 10. august utan restriksjonar knytt til talet på felte grågås. Etter



10. august er faren for skade på anna dyreliv i dyrelivsfredingsområdet liten, jf. §§ 10 og 12. For å styrke kunnskapen om aldersfordeling i uttaket av grågås, vert det stilt vilkår om innsending av bilete av buken på alle felte gjæser på skadefelling, jf. §§ 8 og 11.

Konklusjon

Statsforvaltaren legg vekt på at dispensasjonen til ordinær jakt, skremming og felling av skadegjerande grågås ikkje strir mot verneformålet eller påverkar verdiane nemneverdig, jf. NML § 48 første ledd, samt at ein dispensasjon vil kunne hjelpe grunneigarane å få mindre beiteskadar på avlinga deira. Dispensasjonen blir gitt frå og med 2022 til og med 2026.

Vedtak

Terje Follestad får løyve til å skremme og felle grågås på aktivt driven innmark i Storevik dyrelivsfredingsområde i Sande kommune. Dispensasjonen gjeld for felling av inntil 10 grågås per år i perioden frå 12. mars fram til og med 15. juni, og fri felling av grågås i perioden 26. juli til 9. august der kommunal forvaltningsplan opnar for slik felling. Det vert gjeve løyve til kvotefri jakt på grågås i dyrelivsfredingsområdet frå 10. august og til og med 23. desember.

Dispensasjonen gjeld for fem år.

Dispensasjonen vert gjeve i medhald av Forskrift av 27. mai 1988 nr. 380 om vern av Storevik naturreservat med tilgrensande dyrelivsfreding, Sande kommune kapittel VI nr. 1 og naturmangfaldlova § 48 på følgjande vilkår:

Spesielt for skadefelling:

1. Dispensasjonen gjeld for skremming og felling av grågås på innmark i aktiv bruk og der det er påført beiteskade på eigedom.
2. Dispensasjonen gjeld ikkje innafor Storevik naturreservat.
3. Dispensasjonen til skadefelling gjeld i tida frå og med 12. mars til og med 15. juni og frå og med 26. juli til og med 9. august i 2022 – 2026.
4. Det kan fellast inntil 10 grågås på Sandsøya per år i perioden 12. mars – 15. juni. Andre skremmetiltak skal vera forsøkt før gås vert felt.
5. Det kan fellast inntil 3 gjæser per dag.
6. I perioden 26. juli – 9. august vert det gjeve løyve til fri avskyting av grågås.
7. Det skal ikkje fellast grågås når andre fugleartar oppheld seg i flokkane.
8. Det skal ikkje fellast eller skremmast grågås på areal der det er påvist åkerrikse og åkerrikse oppheld seg i sesongen. (Sjå www.artsobservasjonar.no for informasjon om førekomst av åkerrikse.)
9. Dersom det skal leggst ut felt gås som åte for havørn (skremmetiltak), kan det ikkje nyttast blyhagl ved felling av skadegjerande grågås.
10. Det skal takast bilete av buken på alle felte grågås på skadefelling. Bileta skal merkast med dato og fellingsstad. Bileta skal nyttast til forskning. Bileta saman med rapport om felte grågås skal sendast til Statsforvaltaren i Møre og Romsdal innan 1. september kvart år på e-post: sfmrpost@statsforvalteren.no
11. Felling kan berre gjerast av grunneigar eller den grunneigar engasjerer til dette. Skadefelling er ikkje jakt, og skal ikkje leigast ut som dette.



Spesielt for jakt i ordinær jakttid (10.august – 23. desember):

1. Dispensasjonen gjeld ikkje i Storevik naturreservat.
2. Det skal ikkje fellast grågås når andre fugleartar oppheld seg i flokkane.
3. Morfugl med flyge-udyktige ungar skal ikkje fellast.

Denne dispensasjonen gjeld i høve til verneområdet. De må i tillegg søkje kommunen om løyve til felling av skadegjerande grågås i medhald av viltlova. Kommunen skal vurdere omfang av skade og potensiale for skade før det vert gjeve løyve til felling av skadegjerande grågås.

Klagerett

Vedtaket kan påklagast til Miljødirektoratet innan tre veker i samsvar med forvaltningslova § 28 ff. Ein eventuell klage skal sendast til Fylkesmanen i Møre og Romsdal, men stilast til Miljødirektoratet

Med helsing

Bjarne Otnes (e.f.)
fagleiar naturforvaltning

Andreas Sandnes Granli
rådgivar

Dokumentet er elektronisk godkjent

Kopi til:

SANDE KOMMUNE

Rønnebergplassen 17

6084

LARSNES